

**Uunga siunnersuut: Nukissiornermi ikummatissat avatangiisinut akitsuutaat pillugu
Inatsisartut inatsisaat nr. xx., xx.xxxx 2010-meersoq**

Nukissiornermi ikummatissat assigisaasalu avatangiisinut akitsuutaat

§ 1. Uuliat aatsitassanit pisut, aamarsuit gassillu Kalaallit Nunaanni kiassarnermut innaallagissiornermullu atorneqartut kiisalu motorinut ikummatissatut atorneqartut avatangiisinut akitsuummik akitsuuserneqartassapput.

Imm. 2. Avatangiisinut akitsuut ima annertussuseqarpoq:

1) Solaarit sulluunniit, ilanngullugit petruuliu, Jet A 1 assigisaallu	Liiterimut 15° C-imi	0 kr. 25 øre
2) Fueluulia	Tonsimut	284 kr. 50 øre
3) Motorinut benziinat sulluunniit, ilanngullugit timmisartut orsussa assigisaallu	Liiterimut 15° C-imi	0 kr. 25 øre
4) Gassit sulluunniit, ilanngullugit naturgassi, bygassi assigisaallu, gassili puiaasamiittoq pinnagu	Nm3-mut	276 kr. 00 øre
5) Aamarsuit sulluunniit, ilanngullugit stenkul, jordoliekokks, brunkul, qisummit usserusiat (trætjære) assigisaallu	Tonsimut	183 kr. 50 øre

Imm. 3. Ikummatissap, ikummatissat imm. 2-mi taaneqartut imaluunniit ikummatissat taakku nioqqutissallu allat atorlugit akuukkap avatangiisinut akitsuutaa tassaavoq nioqqutissap inatsit una naapertorlugu qaffasinnerpaamik akitsuutillip akitsuutaa, akuugaq kiassarnermut innaallagissiornermullu imaluunniit motorimut ikummatissatut atorneqarsinnaappat.

Imm. 4. Taamaattorli uuliakup imermik akullip umiarsuarni katersap, aammalu kiassarnermut innaallagissiornermulluunniit atorneqartup atorneqartussatulluunniit naatsorsuussap avatangiisinut akitsuutaa tassaavoq imm. 2, nr. 1 malillugu akit procentiat imaattoq:

- 1) 35 pct. imermik 65 pct.-imik taannaluunniit sinnerlugu akulik.
- 2) 70 pct. imermik minnerpaamik 30 pct.-imik aamma 65 pct. inorlugu akulik.
- 3) 95 pct. imermik minnerpaamik 5 pct.-imik aamma 30 pct. inorlugu akulik.
- 4) 100 pct. imermik 5 pct. inorlugu akulik.

Imm. 5. Suliffeqarfiit, aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersissuteqarfigineqartut avatangiisinut akitsuut akiler-tagassa, akit imm. 2-miit 4-mut taaneqartut 10 procentiannik annertussuseqarpoq.

§ 2. Nioqqutissat Kalaallit Nunaanni piiakkat sulialluunniit kiisalu nioqqutissat akitsuuteqarfiusumut eqqunneqarnerminni, kiassarnermut, innaallagissiornermut imaluunniit motorimut ikummatissatut atorneqartussaanatik allanut atorneqartussatut naatsorsuussat, tak. nioqqutissanik eqqussuineq annissuinerlu pillugit Inatsisartut inatsisaanni § 6, siunertanut taaneqartunut ikummatissanngortinneqarpata akitsuummik akiliisussaataaneq atuutilissaaq.

Imm. 2. Nioqqutissat akitsuuteqarfiusumut eqqunneqarnerminni kiassarnermut, innaallagissiornermut imaluunniit motorimut ikummatissatut atorneqartussatut naatsorsuussat akitsuuteqarfiusumut eqqunneqarneranni akitsuummik akiliisussaataaneq atuutilissaaq.

Imm. 3. Avatangiisinut akitsuut akitsuummik akiliisussaataanerup atuutilernerani akilerneqartussanngussaaq.

Suliffeqarfinnik assigisaannillu nalunaarsuineq

§ 3. Suliffeqarfiit ingerlataminnut atatillugu nioqqutissanik akitsuusigassanik paaasut, suliaqartut eqqussuisulluunniit uninngasuutinik peqqumaasivittut akileraaruseriffimmi nalunaarsorneqassapput.

Imm. 2. Suliffeqarfiit allat nioqqutissanik akitsuusigassanik atuisartut uninngasuutinik peqqumaasivittut akileraaruseriffimmi nalunaarsorneqarsinnaapput, nioqqutissanut akitsuusigassanut uninngatitsivissamik minnerpaamik 1.000 m³-imik annertussuseqartumik peqqumaasiveqarunik. Suliffeqarfiit arlallit ataatsimoorussamik peqqumaasiveqarunik, peqqumaasiviup ilaata atukkamik annertussusia naapertorlugu akitsuummik akiliissapput.

Imm. 3. Uninngasuutinik peqqumaasiviusut nalunaarsornissaannut Naalakkersuisut erseqqinnerusunik maleruagassiorsinnaapput.

§ 4. Suliffeqarfiit aamma ingerlatsiviit assigisaallu uninngasuutinik peqqumaasivittut nalunaarsorneqarsimannigitsut, kiisalu inuit ataasiakkaat nioqqutissanik akitsuusigassanik paaasut, suliaqartut eqqussuisulluunniit akitsuummik akiliisussaataanerup atuutilernerani akileraaruseriffimmut nalunaaruteqassapput.

Akitsuusigaanngitsumik uninngasuutit

§ 5. Akileraaruseriffiup suliffeqarfiit uninngasuutinik peqqumaasivittut nalunaarsorsimasut akitsuusigaanngitsumik uninngasuuteqarnissamut akuersissummik tunisinnaavai. Akitsuusigaanngitsumik uninngasuutit taamallaat tassaasinnaapput nioqqutissat akitsuusigassat akitsuuteqarfiup avataanut anninneqartussatut naatsorsuussat, aammalu nioqqutissat § 9 naapertorlugu avatangiisinut akitsuusernagit nioqqutigineqartussat. Akileraaruseriffik akitsuusigaanngitsumik uninngasuuteqarnissamut akuersissummik tunisinnerminut atatillugu akitsuusigaanngitsumik uninngasuutit pillugit piumasaqaateqarsinnaavoq.

Imm. 2. Naalakkersuisut akitsuusigaanngitsumik uninngasuutit pillugit erseqqinnerusunik maleruagassiorsinnaapput, matumani aamma naatsorsuusiordermi nakkutilliinermilu maleruagassat aalajangersarsinnaallugit kiisalu akileraaruseriffiup akuersissutinik tunisinnerminut atatillugu qularnaveeqqusiinissamik piumasaqaateqarsinnaanera aalajangersinnaallugu.

Piffissaq akitsuusiiffissaq aamma akitsuusigassat naatsorsorneqarnerat

§ 6. Uninngasuutiniq peqqumaasivittut nalunaarsorneqarsimasut piffissaq akitsuusiiffissaat tassaavoq qaammat.

§ 7. Uninngasuutiniq peqqumaasivittut nalunaarsorneqarsimasut piffissami akitsuusiiffissami akitsuusigassat naatsorsugassaat tassaapput nioqqutissat akitsuusigassat kiassarnermut, innaallagissiornermut imaluunniit motorimut ikummatissat atorneqarsimasut millissutiniq assigisaannillu taperlugit, tak. § 2, imm. 1, imaluunniit akitsuuteqarfiusumut eqqunneqarsimasut, tak. § 2, imm. 2, nioqqutissaniq akitsuusigassaniq akitsuusigaanngitsumik uninngasuutiniq ilassutaasimasuniq ilanngarlugit, tak. § 5, imm. 1. Naatsorsuinerup qanoq ittuunissaa akileraaruseriffiup maleruagassiai naapertorlugit aalajangersarneqassaaq.

Imm. 2. Pisuni allani akitsuusigassat tassaapput nioqqutissat suliffeqarfiup imaluunniit inuup pisuni ataasiakkaani pissarsiarisimasai tigusimasaaluunniit.

Imm. 3. Naalakkersuisut uninngasuutiniq peqqumaasivittut nalunaarsorneqarsimasut akitsuusigassaniq qanoq naatsorsuisarnissaat pillugu maleruagassaniq erseqqinnerusuniq aalajangersaasinnaapput.

§ 8. Akitsuusigassaniq § 7, imm. 1 naapertorlugu naatsorsorneqartunit ilanngaatigineqassapput

- 1) nioqqutissat akitsuuteqarfiusup avataanut anninneqartut,
- 2) nioqqutissat § 9 naapertorlugu avatangiisinut akitsuusigassaanngitsut, aamma
- 3) nioqqutissat suliffeqarfimmi imaluunniit suliffeqarfimmut suliffeqarfimmiilluunniit assartorneqarneranni ikuallattoqarnera, erngartoqarnera assigisaaluunniit pissutigalugu annaaneqartut.

Imm. 2. Imm. 1 -imi aalajangersagaq nioqqutissanut akitsuusigaanngitsumik uninngasuutiniq atuutinnilaq.

Akitsuummik akiliisussaatitaannginneq aamma akitsuummik utertitsineq

§ 9. Uninngasuutiniq peqqumaasivittut nalunaarsorneqarsimasut nioqqutissaniq angallatinut ukununnga tunisaqarneranni akitsuusiisoqassanngilaq

- 1) umiarsuit nunanut allanut ingerlaartut, tassunga ilanngullugit umiarsuit takornarianik angallassissutit,
- 2) umiarsuit uuliasiortut gassisiortullu 1.500 bruttotonnage-mik imaluunniit bruttoregister-tonnage-mik taannalu qaangerlugu usisinnaasut
- 3) timmisartut nunanut allanut ingerlaartut,
- 4) aalisariutit Kalaallit Nunaanni angerlarsimaffeqartutut nalunaarsorneqarsimanngitsut, aamma
- 5) aalisariutit 200 bruttotonnage-mik imaluunniit bruttoregister-tonnage-mik taannalu qaangerlugu usisinnaasut, Kalaallit Nunaanni angerlarsimaffeqartutut nalunaarsorneqarsimasut.

Imm. 2. Akitsuusiinnginnissami piunasaqaataavoq nioqqutissaq umiarsuup, timmisartup, aalisariutilluunniit orsussaasivianut toqqaannartumik tunineqarnissaa.

Imm. 3. Naalakkersuisut akitsuummik akiliisussaatitaannginnernut atatillugu naatsorsuusiornermi nakkutilliinermilu maleruagassanik aalajangersaasinnaapput.

Akiliisussaatitaaneq

§ 10. Akitsuummik § 2, imm. 1-imi pineqartumik akiliisussaatitaavoq akitsuummik akiliisussaatitaanerup atuutilernerani nioqqutissamik piginnittoq.

Imm. 2. Akitsuummik § 2, imm. 2-mi pineqartumik akiliisussaatitaavoq akitsuummik akiliisussaatitaanerup atuutilernerani nioqqutissamik pigisaqalersutut nalunaarneqarsimasoq.

Naatsorsuusiorneq pillugu aalajangersakkat

§ 11. Uninngasuutiniq peqqumaasivittut § 3, imm. 1 naapertorlugu nalunaarsorneqarsimasut nioqqutissat piiarneqartut, suliarineqartut eqqussorneqartut amerlissutaat imaluunniit akitsuusiigaanngitsumik uninngasuutit ikilissutaat, kiisalu nioqqutissat § 8 aamma § 9, imm. 1 naapertorlugit tunineqartut atukkallu naatsorsuuteqartissavaat.

Imm. 2. Allat uninngasuutiniq peqqumaasivittut § 3, imm. 2 naapertorlugu nalunaarsorneqarsimasut nioqqutissat akitsuusiigassat pigilikkatik, tunisatik suliffeqarfimmilu atukkatik naatsorsuuteqartissavaat.

Imm. 3. Uninngasuutiniq peqqumaasivittut nalunaarsorneqarsimasup tunisaqarnerani pisiat allagartaanni paasissutissatut allassimassapput ulloq akiligassat allagartaata sananeqarfia, nioqqutissanik tunisisup aqqa, pisisup aqqa, nioqqutissap sumut tunniunneqarnera, nioqqutissap suunera annertussusialu kiisalu avatangiisinut akitsuutip annertussusia.

Imm. 4. Suliffeqarfiit assigisaasalu naatsorsuutit, matumani ilanngullugit pisiat allagartaat, pisiat allagartaasa assilineqarneri naatsorsuinerillu ukiup naatsorsuusiorfiusup naanerata kingorna ukiuni tallimani toqqortarissavaat.

Avatangiisinut akitsuummik akiliineq

§ 12. Uninngasuutiniq peqqumaasivittut nalunaarsorneqarsimasut piffissat akitsuusiiffissat naanerisa kingorna kingusinnerpaamik qaammatit ulluisa 15-ianni nioqqutissat akitsuusiigassat qanoq annertutigineri akileraaruseriffimmut nalunaarutigisassavaat, tak. § 7, imm. 1 aamma § 8. Avatangiisinut akitsuut piffissat akitsuusiiffissat naanerisa kingorna kingusinnerpaamik qaammatit arfinilissaata ulluisa 15-ianni akileraaruseriffimmut akilernerqartassaaq.

Imm. 2. Akitsuummik akiliisussaatitaasut § 4-mi taaneqartut avatangiisinut akitsuut, akitsuummik akiliisussaatitaanerup atuutilernerata kingorna kingusinnerpaamik ullut 14-it qaangiunneranni akileraaruseriffimmut akilertassavaat. Nioqqutissat qanoq annertutigisut avatangiisinut akitsuuserneqarnissaannik naatsorsuineq § 7, imm. 2-mi maleruagassat naapertorlugit pissaaq.

§ 13. Uninngasuutinik peqqumaasivittut nalunaarsorneqarsimasoq avatangiisinut akitsuummik piffissaagallartillugu akiliisimangitsoq, akileraaruseriffimmit peqquneqarsinnaavoq nioqqutissat tiguneranni nalunaaruteqartaleqqullugu. Aamma akileraaruseriffiup suliffeqarfik peqqusinnaavaa avatangiisinut akitsuut nioqqutissat tiguneranni akilertaleqqullugu.

§ 14. Nioqqutissat akitsuusigassat avatangiisinut akitsuummik inatsit naapertorlugu akilerneqarsimasussaagaluamik akiliinani tunineqarsimappata, pigineqalersimappata atorneqarsimappataluunniit aningaasat akilinngitsoorneqarsimasut akileeqqusinermit kingusinnerpaamik ullut 14-it qaangiunneranni akileqquneqassapput. Aningaasat akilinngitsoorneqarsimasut anner-tussusiat suliffeqarfiup naatsorsuutai tunngavigalugit naatsorsorneqarsinnaanngippat, akileraaruseriffiup missingersuinermit angissusilersinnaavaa.

Imm. 2. Nioqqutissat akitsuusigassat § 9 naapertorlugu akitsuusigassaajunnaartut atorneqarfissaminut naatsorsuussamit allaasumut atorneqarpata, suliffeqarfiup nioqqutissanik akitsuuteqanngitsumik pisisinnaanera akileraaruseriffiup atorunnaarsinnaavaa. Nioqqutissat pineqartut avatangiisinut akitsuutaat akileeqqusinermit kingusinnerpaamik ullut 14-it qaangiunneranni akileqqullugu suliffeqarfik peqquneqassaaq.

Imm. 3. Suliffeqarfiup nioqqutissanik akitsuuteqanngitsumik pisisinnaaneranik atorunnaarsitsinerminut atatillugu akileraaruseriffiup uninngasuutinik peqqumaasivittut nalunaarsorneqarsimasoq nalunaarfigisinnaavaa, suliffeqarfik nioqqutissanik akitsuuteqanngitsunik siunissami tunisiffigineqarsinnaassanngitsoq.

Pineqaatissiissutit

§ 15. Kinaluunniit piaaraluneerluni imaluunniit mianersuaalliorujussuarluni iliuuseqartoq akiliisinneqassaaq

1) akitsuutinik nakkutilliinermi atugassanik imaluunniit akitsuummik utertitassamik tunnius-sinissamut tunngavissaq pillugu eqqunngitsunik paasinerluutaasinnaasunilluunniit paasissutis-siisoq imaluunniit paasissutissanik nipangiussisoq,

2) § 3, imm. 1-imik, § 4-mik, § 5, imm. 1-imik, imaluunniit § 11, imm. 1-imiit 4-mut unioq-qutitsisoq,

3) § 13, oqaaseqatigiinni siullerni peqqusinermit nalunaarutigeriikkamik malinninngitsoq,

4) nioqqutissanik avatangiisinut akitsuummik inatsit naapertorlugu akilerneqarsimasussaaga-luamik akiliinani tunisisoq, pigisaqalersoq, pissarsisoq imaluunniit atuisoq, taamaalioriaralu-artorluunniit.

Imm. 2. Selskabi assigisaalu imm.1-imik unioqqutitsisuuppata Kalaallit Nunaanni pinerluttu-lerinermik inatsimmi kapitali 5-imi maleruagassat naapertorlugit pinerluutitut akisussaatis-sisoqarsinnaavoq.

§ 16. Akileraaruseriffik isumaqarpat unioqqutitsineq akiliisitaanermi sakkortunerusumik pineqaatitaqartariaqanngitsoq, taava Naalakkersuisut taakkualuunniit taamaaliornissamut piginaatitaata pineqartoq nalunaarfigissavaa suliassaq eqqartuussisutigoortitsinertaqanngitsumik inerneqarsinnaasoq ilumut unioqqutitsisimanini paasippagu aammalu piffissaatitap erseqqin-

nerusumik aalajangikkap, qinnuteqarnikkut sivitsorneqarsinnaasup qaangiutinnginnerani akiliutissamik nalunaarummi taaneqartumik akiliiumappat.

Imm. 2. Paasisitsissut imm. 1-imi taaneqartoq pillugu Kalaallit Nunaanni eqqartuussisarnermik inatsimmi maleruagassat unnerluussutip imarisai pillugit taamaallutik atuutissapput.

Imm. 3. Akiliutissaq piffissaagallartillugu akilerneqarluniluunniit isumaqatigiissuteqartoqarneratigut tiguniarneqarsimappat qanoq iliuuseqartoqaqqissanngilaq.

§ 17. Maleruagassiani inatsit una naapertorlugu atulersinneqarsimasuni, maleruagassiani aalajangersakkanik unioqquitsinerit akiliisitaanermik pillarneqarnissaannik aalajangersaasoqarsinnaavoq.

Imm. 2. Maleruagassiani inatsit una naapertorlugu atulersinneqarsimasuni selskabit assigisaallu Kalaallit Nunaanni pinerluttulerinermik inatsimmi kapitali 5-imi maleruagassat naapertorlugit pinerluutitut akisussaatinneqarsinnaapput.

§ 18. § 15 aamma § 17 naapertorlugit akiliutissanngortitat landskarsip pisassarai.

Atortuulerfia

§ 19. Inatsit atortuulissaaq 1. januar 2011, atuutissallunilu nioqqutissanut 1. januar 2011-miit kingusinnerusukkulluunniit akitsuusigassaalersussanut.

Namminersorlutik Oqartussat, ulloq xx.xxxx 2010

Kuupik Kleist

/

Palle Christiansen